

四庫全書

史部

欽定四庫全書

史部

御批歷代通鑑輯覽卷五十二

三

詳校官侍講臣王燕緒

編修臣裴謙履勘

總校官舉人臣章維桓

校對官編修臣吳舒帷

謄錄監生臣龔述祖

欽定四庫全書

御批歷代通鑑輯覽卷五十二

唐

高宗皇帝

顯慶元年春正月以太子忠為梁王立代王弘

皇后子

為皇太子

先是許敬宗奏曰在東宮者所出本微今知國家已有正嫡必不自安恐非宗廟之福至是上遂廢忠而

立弘

忠既廢官屬無敢見者右庶子李安仁獨
候見泣涕拜辭而去 李安仁綱之孫

二月贈武士驍司徒賜爵周國公

夏六月詔以高祖配昊天于圜丘太宗配五帝于明堂

秋七月貶侍御史王義方

泗州進水人

為萊州

注見前

司戶

李義府恃寵用事洛州婦人淳于氏美色繫大理獄

義府屬大理丞畢正義枉法出之將納為妾事覺上

命給事中劉仁軌鞠之義府逼正義自縊以滅口上

知而不問侍御史王義方奏曰義府擅殺六品寺丞

漸不可長對仗叱義府令下義府顧望不退義方三

叱義府始趨出義方乃讀彈文上以義方毀辱大臣

貶之

義方將劾奏曰其母曰義方為御史視姦臣不料則不忠料之則身危而憂及于親為不孝奈

何母曰昔王陵之母殺身以成子之名汝能盡忠以事君吾死不恨義方乃奏之

九月括州

隋置今浙江處州府是

暴風海溢

丁巳二年春正月以蘇定方

名烈以字行其州武邑人

為伊麗

即今伊犁在巴

北里坤

道行軍總管討沙鉢羅

先是上遣使冊拜西突厥真珠葉護

乙毗咄陵之子

為可汗

至碎葉城

唐書地理志焉耆都督府有碎葉城西域傳出安西至葱嶺二千里度雪海春夏

常雨雪北行幾千里得細葉川東曰熱海地寒不凍

共西有碎葉城考唐碎葉川亦曰素葉水在伊犁

河西今伊犁河西之水最大者為國斯庫

爾蓋即碎葉舊政也其水周廣六百餘里

為沙鉢羅

所拒遣程知節等討之不克至是以蘇定方為總

管督諸軍自北道進討

夏五月帝始隔日視事

上自即位每日視事宰相奏天下無虞請隔日視事

許之

人若日提為發
親為政猶惜事
或憂壯義所
恤非當如逢迎
屬主臨以安妥
賦毒而彼益得

患行無忌道柄
假重不能自
利而適以自害
則非彼所能聽
計也尸起華謂
其承弊心意使
得尊樂間房尚
非昧心之論

遣天竺方士歸國

王元策之破天竺也

事見前

得方士娑婆寐以歸自言

有長生之術太宗頗信之發使四方采藥藥竟不就
放還上即位復詣長安上仍遣歸謂侍臣曰自古安
有神仙秦始皇漢武帝求之卒無所成果有不死之
人今皆安在李勣對曰此人再來容髮衰白已改于
前何能長生陛下遣之内外皆喜娑婆寐竟未及行
而死

秋八月貶韓瑗來濟褚遂良皆為遠州刺史

先是詔以褚遂良為桂州都督

事見前

至是許敬宗李

義府誣奏韓瑗來濟與褚遂良潛謀不軌以桂州用

武之地授遂良都督欲為外援遂皆坐貶瑗振州

唐置

今瓊州府崖州是

濟台州

後復徙庭州浙江台州府是

庭州注見前

遂良

愛州

梁置地在今天安南國

柳夷象州

隋置今屬廣西柳州府

詔廢六天

唐書禮樂志自鄭康成以昊天上帝者天皇大帝北辰耀魄寶也青帝靈威仰赤帝赤熛怒

黃帝含樞紐白帝白招拒黑帝叶光紀者五天也由是有六天之說

之祀合方丘神州

威生五帝之說
出經書鄭康成

取以訓昊天上帝來祀失之傳
會唐初乃以祈穀常雩諸大祀並奉感生不經甚矣時孔穎達等皆跋通儒何不加詳諸尚侍後人駭正耶又冬至孟夏並及方丘孟冬復有北郊之祭亦非禮意顯慶合而為一去繁渾古未嘗非禮典舊據然不久祇復

注見前
為一祭
禮樂志貞觀禮冬至祀昊天上帝于圓丘正月辛日祀感生帝靈威仰于南郊以祈

穀孟夏雩于南郊季秋大享于明堂皆祀五天帝顯慶二年禮官等議盡黜鄭說南郊祈穀孟夏雩明堂大享皆祀昊天上帝又武德中冬至及孟夏雩祭望地祇于方丘孟冬祭神州地于北郊至是合為一祭

冬十月蘇定方擊沙鉢羅獲之分立興昔亡繼往絕二

可汗

蘇定方至曳咥河
胡三省注在伊羅河東西沙鉢羅帥兵十萬

拒戰定方擊敗之斬獲數萬會大雪平地二尺軍中咸請俟晴而行定方曰虜恃雪深謂我不能進必且

休息亟追之可及也乃兼行至其牙帳縱兵擊之斬

獲又數萬沙鉢羅脫走超石國

注見前

定方于是息兵

諸部各歸所居通道路置郵驛掩骸骨問疾苦畫疆

場復生業凡為沙鉢羅所掠者悉還給之十姓

五咄咄五

弩失畢

安堵如故乃命蕭嗣業

鈞兄子

將兵追沙鉢羅獲

之分西突厥地置崑陵

居碎葉川西

濛池

居碎葉川東

二都護

府以彌射

達頭可汗五世族孫

為興昔亡可汗押五咄陸部落

步真

彌射族兄二人俱太宗世來降

為繼往絕可汗押五弩失畢部

落

以洛陽宮為東都

以劉祥道

字同壽觀城人林甫之子

為黃門侍郎知選事

祥道以取士傷濫每年入流之數二千四百有餘內

外文武官

自一品至九品

萬三千四百六十五員約準三十

年則萬三千餘人畧盡矣若年別入流者五百人足

充所須之數望有釐革而大臣懼于改作事遂寢

戊午三年春正月詔行新禮

先是議者謂貞觀禮節文未備故命長孫無忌等修之時許敬宗李義府用事所損益多希旨學者非之博士蕭楚材等以為凶事非臣子所宜言敬宗義府深然之焚國恤篇凶禮遂闕

夏五月徙安西都護府于龜茲

初龜茲王布失畢與其相那利互來告難

王之妻與那利通由

是君臣猜阻

上兩召之囚那利遣使送布失畢歸國龜茲

將羯獵顛發衆拒之詔發兵討誅羯獵顛乃徙安西

都護府于龜茲高昌但為西州都督府

冬十一月貶杜正倫為橫州

唐置今屬廣西南寧府

刺史李義府

為普州

後周置宋廢故城在今四川潼川府安岳縣

刺史

李義府兼中書令有寵于上諸子孩抱者並列清貴

而義府貪冒無厭賣官鬻獄其門如市中書令杜正

倫每以先進自處由是有隙訟于上前上兩責之

朱幾

義府復召為

史部尚書

鄂公尉遲敬德卒

諡忠武

敬德晚年閒居學延年術不交通賓客凡十六年卒
愛州刺史褚遂良卒

已未四年夏四月削太尉趙公長孫無忌官封黔州

注見前

安置

武后以長孫無忌受重賜而不助已深怨之以于志
寧中立不言亦不悅令許敬宗伺其隙而陷之會人
告太子洗馬韋季方罪勅敬宗與辛茂將時為侍中鞠之
季方自刺不死敬宗因誣奏季方欲與無忌謀反上

驚曰舅為小人所間小生疑阻則有之何至于反敬
宗曰反狀已具願陛下勿疑上泣曰我家不幸往年
高陽公主與房遺愛謀反今元舅復然將若之何對
曰遺愛乳臭兒與一女子謀反勢何所成無忌與先
帝謀取天下天下服其智為宰相三十年百姓畏其
威若一旦竊發內外響應陛下遣誰當之乎上曰朕
決不忍加刑于無忌敬宗對曰漢文帝漢之賢主也
其舅薄昭止坐殺人帝使公卿哭而殺之後世不以

為非令無忌謀移社稷其罪與昭不可同年而語陛下少更遷延臣恐變生肘腋悔無及矣上以為然竟不引問詔削無忌官封黔州安置敬宗又奏無忌謀逆由褚遂良柳奭韓瑗搆扇而成于志寧亦其黨也于是詔追削遂良官爵除奭瑗名免志寧官

六月改氏族志為姓氏錄

初太宗修氏族志升降去取時稱允當至是許敬宗等以其書不叙武氏本望奏請改之以后族為第一

等其餘悉以仕唐官品高下為準于是士卒以軍功至位五品者豫士流時人謂之勲格

詔許敬宗議封禪儀

敬宗請以高祖太宗俱配上帝太穆文德二后並配地祇從之

秋七月殺長孫無忌柳奭韓瑗

七月詔御史追柳奭韓瑗枷鎖詣京師敬宗又遣袁公翰詣黔州再鞠長孫無忌通令自縊詔斬瑗奭瑗

已死發驗而還籍沒三家近親皆流嶺南為奴婢

孫長

氏柳氏緣無忌與敗降者十三人高獲行敗永州刺史于志寧敗陳州刺史于氏敗者九人自是政歸中

官矣 高麗

行士廉之子

冬十月思結反

俄勒別部注見前

遣蘇定方討降之

俟斤都曼降

庚申五年春二月帝如并州

皇后宴親戚故舊鄰里于朝堂婦人于內殿頒賜有

差詔并州婦人年八十已上皆版授郡君

夏六月丙寅朔日食

秋七月廢梁王忠為庶人

梁王忠年浸長頗不自安或衣婦人服以備刺客又數自占吉凶有告其事廢為庶人徙黔州

遣蘇定方等伐百濟降之

初百濟恃高麗之援數侵新羅新羅王上表求救詔

蘇定方等率水陸十萬以伐之定方引軍自成山

今在

山東登州府
文登縣南

濟海直趨其都百濟傾國來戰大敗之

百濟王義慈降

定方前使凡滅三國皆生擒其王
謂西突厥沙鉢羅思結都曼及義慈

也 詔以其地置熊津

城在今朝鮮國全州西北

等五都督府明年

百濟故將福信迎立其故王子扶餘豐檢校帶方州

即帶方郡

刺史劉仁軌擊破之

先是蘇定方軍還留郎將劉仁願守百濟

注見前

城王文度為熊津都督王文度濟海卒福信遂迎扶餘豐立之引兵圍仁願時劉仁軌坐罪白衣從軍詔以為帶方州刺史純文度眾并發新羅兵救仁願仁軌御軍嚴整所向皆克拔其數城既而福信與扶餘豐浸相猜忌豐襲殺福信遣使詣高麗倭國乞援倭國即日本注見前

又明年九月熊

津道總管孫仁師及仁軌等大破百濟餘眾及倭國

兵百濟悉平

仁師將兵浮海而進仁軌軍勢大振與倭兵遇四戰皆捷扶餘豐奔高麗子忠

盧尚稱預外事
尚不免司農之
索此蓋垂以政
柄乎自來女寵
為患雖良相不
至若此之甚哉
明謂唐室之禍
高宗自禍之立
論誠當於日聞
日視事以後類

勝等帥家降初仁軌檢校帶方諸唐厯及廟諱而行
人問其故曰吾欲削平東方頒示本朝正朔及百濟
平仁軌留鎮卒皆如言仁軌又上疏以戍兵疲弊請
厚加慰養以鼓士心復表用扶餘隆使招集餘衆上
深納之遣兵渡海以代舊戍
以扶餘隆為熊津都尉使

冬十月初令皇后決百司奏事

上初苦風眩不能視百司奏事或使皇后決之后性
明敏涉獵文史處事皆稱旨由是始委以政事權與
人主侔矣

辛酉 龍朔元年夏四月遣兵部尚書任雅相_{渭南人}等征高麗

息生疾遂至不
振履崩墜冰其
所由東漸矣

時任雅相等及諸胡凡三十五軍水陸並進上欲
自將大軍繼之皇后表諫乃止蘇定方破高麗于須

江

注見前

屢戰皆捷遂圍平壤城高麗蓋蘇文遣其子

男生以精兵數萬守鴨綠水契苾何力至值冰大合

引衆乘冰鼓譟而進高麗大潰斬首三萬級餘衆悉

降會有詔班師何力乃還

已而任雅相卒于軍蘇定方圍平壤久不下引軍還

六月以西域諸國為州府

凡府八州七十六

高宗之斥王勃
似矣然于調難
作嫩知為交搆
之漸而大顯分
明角裁自導以
爭門之端明于
此而闕于彼非
蔽而何然此猶
其失德之小者
耳

徙潞王賢

字明先即
章懷太子

為沛王

潞王賢聞王勃

字子安
通之孫

善屬文召為修撰時諸王關

雞勃戲為檄周王

即中宗

雞文上見之怒曰此乃交搆

之漸斥勃出沛府

壬戌二年春正月改百官名

以門下省為東臺中書省為西臺尚書省為中臺侍

郎為左相中書令為右相僕射為匡政左右丞為肅

儀尚書為太常伯侍郎為少常伯其餘並以義訓更

其名而職任如故

三月鐵勒道行軍大總管鄭仁泰等擊敗鐵勒于天山

注見

前

先是回紇同羅僕固犯邊詔以鄭仁泰為鐵勒道行

軍大總管督諸軍討之及是鐵勒九姓

曰藥羅葛曰胡咄葛曰嚙

羅勿曰狍歌息訖曰阿勿嚙曰葛薩曰斛咀索曰藥勿葛曰溪野勿

聞仁泰至合衆十

餘萬以拒之選驍健者數十人挑戰薛仁貴發三矢

殺三人餘皆下馬請降仁貴悉坑之度磧北擊其餘

衆獲業護兄弟三人而還軍中歌之曰將軍三箭定

天山壯士長歌入漢關

思結多滋葛等部落先保天山已而迎降仁泰等縱兵擊

掠虜相率遠遁仁泰將輕騎赴之踰大磧至仙萼河不見虜糧盡而還值大雪士卒饑凍北入塞餘兵纔八百人司憲大夫楊德商勸奏詔釋不問以契必何力為鐵勒道安撫使安輯餘衆仙萼河一名仙娥河在回龍牙北六百里

冬十月颶

越筆反

海

西域水名

總管蘇海政矯詔殺興昔亡可汗

颶海道總管蘇海政受詔討龜茲敕興昔亡繼往

絕二可汗發兵與俱繼往絕素與興昔亡有怨密請

海政矯敕收斬之其部落亡走海政追討平之繼往

絕尋死十姓

注見前

無主附于吐蕃

劉友益曰十姓皆附吐蕃而唐世吐

蕃之禍

始此矣

西突厥寇庭州刺史來濟死之

西突厥寇庭州刺史來濟將兵拒之謂其衆曰吾久

當死幸蒙存全以至今日當以身報國遂不釋甲胄

赴敵而死

癸亥 三年春正月以李義府為右相夏四月除名流寓州

隋置今四川

寧遠府是

義府兼知選事恃勢賣官怨譟盈路上從容戒之義
府勃然變色曰誰告陛下緩步而去上不悅義府又
與術者微服出城候望氣色或告義府陰有異圖鞠
之有實詔除名流寓州朝野稱慶

後二年東封大赦
惟長流人不聽還

義府憂憤
發病而死

蓬萊官

故址在今西安
府咸寧縣東 成

初隋文帝遷長安城立官于西北隅至是營蓬萊宮

于其東北制度宏壯于舊門曰丹鳳殿曰含元移仗
居之名故宮曰西內新宮曰東內亦曰大明宮云

五月詔鄭仁泰等分屯涼鄯

二州注
並見前

以備吐蕃

吐蕃吐谷渾互相攻各上表論曲直求援上不許吐
蕃擊吐谷渾大破之吐谷渾可汗曷鉢與弘化公主
帥數千帳棄國走涼州上以鄭仁泰等分屯涼鄯備
吐蕃又以蘇定方節度諸軍授吐谷渾吐蕃表吐谷

渾之罪且請和詔責讓之

劉友益曰吐
蕃于是始疆

甲子麟德元年春正月以殷王旭輪

後更名旦即睿宗

為單于大

都護

初李靖破突厥遷三百帳于雲中城阿史德氏為其
長至是部落漸衆請立可汗以統之上曰今之可汗
古之單于也故更為單于都護府而使皇子殷王遙
領之

秋七月詔以三年正月封禪

冬十二月殺同三品上官儀

字游韶
陝人

劉祥道罷梁王忠

密果廢后此何
等事豈有左右

之弊告內不能
禁而可圖成者
高宗若縮受制
庸懦不夫至此
之豈特失臣之
機所能醫其惡
哉

食安已居人三言

卷五十二

賜死

初武后屈身忍辱奉順上意故上排羣議而立之及
得志專作威福上動為所制不勝其忿會宦者王伏
勝發其使道士郭行真出入禁中為厭禱事上密召
上官儀議之儀因言后專恣請廢之上即命草詔左
右奔告于后后遽詣上自訴上羞縮不忍乃曰我初
無此心皆上官儀教我儀先與伏勝俱事故太子忠
后于是使許敬宗誣奏儀伏勝與忠謀大逆儀下獄

及伏勝皆死妻子籍沒賜忠死于流所右相劉祥道
坐與儀善罷朝士流貶者甚衆自是上每視事則后
垂簾于後政無大小皆預聞之天下大權悉歸中宮
天子拱手而已中外謂之二聖

乙丑 二年夏五月行麟德曆

李淳風以戊寅曆推步浸疎乃增損劉焯皇極曆更
撰麟德曆行之

冬十月車駕發東都十二月至泰山

皇后表稱封禪祭皇地祇太后昭配而令公卿行事

禮有未安請帥內外命婦奠獻詔禪社首

山名在泰安府西南

上有壇

以皇后為亞獻越國太妃燕氏

越王貞之母太宗妃也

為

終獻廢藻結陶匏用茵褥疊爵文舞用功成慶善之

樂武舞用神功破陳之樂上發東都華戎衛從數百

里不絕時比歲豐稔米斗至五錢麥豆不列于市

上元

大臣不可無學

謂其能明于古

今得失資考覈

而成教澤耳昔

濮陽左相竇德元轉從上問濮陽謂之帝邱何也德

元不能對許敬宗自後躍為而前曰昔顓頊居此故

謂之帝邱上稱善敬宗退謂人曰大臣不可以無學

德元曰人各有能有不能吾下強對以所不知此吾

尋常記誦考訂
以備顧問特文
人潤色餘事何
足爲也且古今
事物繁縟不知
亦復何損敬宗
偶憶舊聞輒圖
於冊既形極元
之短又慨然以
大臣自居心術
不端醜態畢露
不自知其可鄙
耳

所能也李勣曰敬宗多間信美矣德元之言亦善也

張公藝九世同居北齊隋唐皆旌表其門上幸其

宅問所以能之故公藝書忍字百餘以進上善之賜

以銀帛濮陽注見前寶德元威之從子張公藝書

張人

丙寅 乾封元年春正月封泰山禪社首

正月朔祀昊天上帝于泰山南明日祭泰山封玉牒

藏之石碣

音威石匱也纏以金繩封以金泥

又明日降禪于社首祭

皇地祇上初獻畢執事者皆趨下宦者執帷皇后升

壇亞獻帷帟皆以錦繡為之赦天下改元文武官賜

爵加階有差

先是階無泛加皆以勞考叙進至五品三品仍奏取進止至是始有泛階此及

末年服緋

者滿朝矣

車駕還過曲阜祠孔子

贈太師祭以少牢

至亳州

復周賈今屬潁州府

尊老君

即老子

為太上元元皇帝

至亳州謁老君廟上尊號

夏四月車駕還京師

五月鑄乾封泉寶錢

舉不避賢以人
才不可為私嫌
廢也異式為權
臣庸犬殺人媚
人其才尚足為
國用乎仁軌不
念舊惡似矣從
而薦之是隱情
干譽以誑人玷
司元之職所云
以人事君安在
易簡所殘實不

錢一當十俟期年盡廢舊錢

已而錢帛踴貴
商賈不行罷之

秋七月以劉仁軌為右相

初仁軌為給事中按舉正義事

事具前

李義府怨之出

為青州刺史會討百濟仁軌當浮海運糧遭風失船

命監察御史袁異式往鞠之異式承義府風旨逼令

仁軌引決仁軌不從異式具獄以聞上命除名以白

衣從軍自效及仁軌為大司憲

即御史大夫

異式懼不自

安仁軌憑觴告之曰仁軌若念疇昔之事有如此觴

既知政事薦為司元大夫監察御史杜易簡

襄陽人預之裔

謂人曰斯所謂矯枉過正矣

皇后殺其從兄武惟良懷運

初武士彠卒其子元慶元爽

前妻相里氏出

及兄子惟良懷

運皆不禮于后母楊氏楊氏深銜之后既立楊氏號

榮國夫人后長姊

楊氏出

號韓國夫人惟良等皆列朝

廷后上疏請出惟良等為遠州刺史外示謙抑實惡

之也

元慶以憂卒元爽坐事流振州而死

韓國及其女皆得幸于上韓

國尋卒其女賜號魏國夫人后嫉之會惟良懷運朝
覲至京師因獻食后密置毒醢中使魏國食之暴卒
因歸罪于惟良懷運誅之改其姓為蜺氏

冬十二月以李勣為遼東大總管伐高麗

先是高麗泉蓋蘇文死長子男生

字元德

代為莫離支

出巡諸城其弟男建男產居守或搆之

謂二弟曰男建欲除二弟

又告男生曰二弟欲拒兄不納男生遣人伺男建
二弟收掩得之以王命召男生男生不敢歸

男建

遂自為莫離支發兵以拒男生男生走保別城遣其

子獻誠詣闕求救詔以契苾何力為安撫使龐同善
為行軍總管發兵救之已而同善大破高麗兵男生
帥衆與之會至是詔復以李勣為大總管郝處俊

陸安

人副之同討高麗

何力同善並
受勣處分

丁卯二年春正月耕藉田

有司進耒耜加以琱飾上曰耒耜農夫所執豈宜如
此之麗命易之既而耕之九推乃止

夏六月以楊弘武

素弟岳
之子

戴至德

曹之
兄

李安期

百藥
子

趙

藉田之禮未始
樂器自昔已然
安得舊仿田間
模倣至五推九
推以下禮別等
差即勣農率先

亦自有所限制
豈宜以天子而
下行卿大夫之
事若由此遽加
則三公將起而
終訟無入朕眚
日亦不給高宗
之失德多矣殆
此虛名豈能救
其實罪哉

當政出房惟老
臣誅竄之時而
以退賢責待臣
可謂不揣其本

仁本

渭州隴西人

並同三品張文瓘

字雅圭貝州武城人

參知政事

唐

書高宗紀乾封二年六月東臺舍人張文瓘參知政事
總章二年二月文瓘為東臺侍郎與李敬元同三品百
官志同三品入銜自文瓘始通鑑于乾封二年總
章二年並書文瓘同三品恐有誤今依唐書改

時造蓬萊上陽

在洛陽宮西

合璧

亦洛陽別宮

等官頻征伐四

夷鹿馬萬匹倉庫漸虛張文瓘諫曰隋鑒不遠願勿

使百姓生怨上納其言減鹿馬數千匹

上屢責待臣不進賢李安

期對曰比來公卿有所薦引為讒者已指為朋黨
淹者未獲伸而在位者先獲罪是以各務杜口耳
下果推至誠以待之其誰不
願舉所知邪上深以為然

觀其納安期推誠之能未幾輒

復罷之是尚有

延攬實意乎然

高宗朝似此君

臣之間止色澤

論史載頗多此

皆祖太宗與湯

魏輩議論故食

然實際而尚虛

聲安能掩其失

德哉

秋八月己丑朔日食

戊辰總章元年夏四月彗星見于五車

五車五星在界北主天子五兵

彗星見上避正殿減膳徹樂許敬宗等奏請復常曰

彗星見東北高麗將滅之兆也上曰朕之不德謫見

于天豈可歸咎小夷且高麗之百姓亦朕之百姓也

不許彗尋滅

秋九月李勣拔平壤高麗王藏降高麗悉平冬十二月

置安東都護府

先是李勣拔高麗新城遂進攻一十六城皆下之

軍行

管記元萬頃作檄高麗文曰不知守鴨綠之險男建報曰雖聞命矣即移兵據之唐兵不得渡上聞之流

萬頃于嶺南元萬頃河

南人魏京兆王子推後

已而左武衛將軍薛仁貴

擊破高麗兵于金山乘勝將攻扶餘城

扶餘國諸將之故城

諸將

以其兵少止之仁貴曰兵不必多顧用之何如耳遂

為前鋒以進與高麗戰大破之殺獲萬餘人遂拔扶

餘城餘四十城皆望風請服及是勣等進攻大行城

在朝鮮國咸興府西南

拔之諸軍皆會進至鴨綠柵破之圍平

壤月餘高麗王藏遣泉男產詣勸降男建猶閉門拒
守以軍事委僧信城信城開門勸縱兵登城男建自
刺不死遂擒之高麗悉平

凡收五部百六十
七城戶六十九萬

十二月

李勣將至上命以高藏等獻于昭陵具軍容奏凱歌
入京師獻于太廟上受俘于含元殿分高麗為九都
督府四十二州百縣置安東都護府于平壤以統之
擢其酋長有功者為都督刺史縣令與華人參理以
薛仁貴檢校安東都護總兵二萬人以鎮撫之

初高
麗有

秘記云不及九百年當有八十大將滅之高氏自漢
有國至是凡九百年而李勣為大將滅高麗年正八
十云

京師山東江淮旱饑

已二年春二月以張文瓘李敬元

亳州
譙人

並同三品

同三
品入

街自
此始

以盧承慶

字子餘
思道孫

為司刑太常伯

承慶嘗考內外官有一官督運遭風失米承慶考之

曰監運損糧考中下其人容色自若無言而退承慶

監運損糧常有
定考乃以容色
之間驗為改注
其辭文嚴法耳

此蓋雖六朝惡習而不知其害政之甚晚政體者所不取也

重其雅量改注曰非力所及考中中既無喜色亦無

愧詞又改曰寵辱不驚考中上

時渭南尉彭城劉廷祐弱冠政事為畿縣

最孝勸謂曰足下春秋兩爾遠懷大名宜稍自貶抑無為獨出人也

詔定明堂制度

定明堂制度其基八觚

方稜也

其宇上圓覆以清陽玉

葉

瓦名清陽為天玉者實其名葉者薄其質也

其門牆階級牕櫺

虛經反牕隔也

楫

棟下柱柳魚剛反斜角橫木謂之飛柳

棨

子結反渠上樽檻

枅

堅夷反柱上枿木

拱

居疎反大戟也

皆法天地陰陽律厯之數以衆議未決又

會饑饉竟不果立

夏六月戊申朔日食

秋八月詔幸涼州不果行

詔以十月幸涼州時隴右虛耗議者多以為不宜遊幸上聞之詔五品以上謂曰自古帝王莫不巡狩故

朕欲巡視遠俗若其不可何不面陳而退有後言邪

宰相以下皆不敢言詳刑大夫

即大理少卿

來公敏曰巡

狩雖帝王常事然今高麗餘寇尚多西邊兵亦未息

隴右戶口彫弊鑿與所至供億百端外間實有竊議
但明制已行故羣臣不敢陳論耳上善其言為之罷

行

九月大風海溢

永嘉安國諸縣 永嘉本漢永寧縣隋
更名今為浙江温州府治安國晉縣吳

越改瑞安今
隸温州府

漂六千餘家

冬十一月李勣卒

諡曰貞武

勣寢疾謂弟弼曰我見房杜平生勤苦僅立門戶遭

不肖子蕩覆無餘吾此諸子今以付汝謹察視之其
有志氣不倫交遊非類者皆先撾殺然後以聞及卒

孫敬業嗣

勅為將有謀善斷戰勝則歸功于下所得
金帛悉散之將士故人思致死所向克捷

臨事選將必審相其狀貌豐厚者遺之或問其故勅
曰薄命之人不足與成功名聞門雍睦而嚴其姊嘗
病勅親為作粥風回熱其鬢髮姊曰僕妾幸多何自
苦如是勅曰非然也願姊老勅亦老雖久欲為姊煮
粥其可得乎常謂人我年十二三時為亡賴賊逢人
則殺十四五為難當賊有所不懼則殺之十七八為
壯賊臨陣乃殺人二十為大將
用兵以救人死及是年八十卒

定銓注法

人君清明在躬
慎簡大臣以主
銓選不以彰
賢能依格以勸
年勞則巧與奸
自絕足為用人
要之法向因
讀史曾及之至
唐之身言書判
並未免逐漸而
忘其本尹氏但
指以身取人之
非其說猶為未
備

時承平既久選人益多司列少常伯

即吏部侍郎

裴行儉

始與員外郎張仁禕設長名姓歷榜引銓注之法又

定州縣升降官資高下其後遂為永制無能革之者

大約唐之選法取人以身

體貌豐偉

言

言辭辯正

書

楷法遒美

判

文理

優長

計資量勞而擬官始集而試觀其書判已試而銓

察其身言已銓而注

注其姓名官職

詢其便利已注而唱集

衆告之然後類以為甲

甲乙次序

先簡僕射乃上門下給

事中讀侍郎省侍中審之不當者駁下既審然後上

開主者受旨奉行各給以符謂之告身兵部武選亦

然課試之法以騎射及翹關

長大七尺徑三寸半試者凡十舉其便挑出手

母過一尺

負米

負米五斛行二十步

人有格限未至而能試文三篇

謂之宏詞試判三條謂之拔萃入等者得不限而受

其黔中嶺南閩中州縣官不由吏部委都督選擇土

人補授凡居官以年為考

一年一考

六品以下四考為滿

有劉曉者上疏論之曰今選曹以檢勘為公道書判為得人殊不知考其德行才能況書判借人者眾矣又禮部取士專用文章為甲乙故天下之士皆捨德行而趨文藝有朝登甲科而夕陷刑辟者雖日誦萬

言何闢理體文成七步未足化人取士以德
行為先文藝為末則多士當奔四方風動矣

庚午咸亨元年春三月敕突厥酋長子弟給事東宮

西臺舍人徐齊暉

字將道湖州長城人

上疏曰皇太子常引文

學端良之士寘左右豈可使醜類入侍軒闥又奏齊

獻公

長孫

即陛下外祖雖子孫有犯豈應上延祖禰

今周忠孝公

武士

廟甚修而齊廟毀廢非所以彰孝

理之風也上皆從之

夏六月壬寅朔日食

秋八月薛仁貴擊吐蕃敗績

初吐蕃陷西域十八州又與于闐襲龜茲撥換城陷

之詔罷龜茲于闐焉耆疏勒四鎮以薛仁貴為大總

管阿史那道真郭待封

孝昭子

副之以討吐蕃待封先

與仁貴並列恥居其下仁貴所言多違之至大非川

在青海西今曰布喀河

仁貴帥所部前行擊吐蕃于河口

積石河口

斬獲甚衆進屯烏海

注見前

待封將輜重徐進遇吐蕃

敗走仁貴退屯大非川吐蕃就擊之唐兵敗死畧盡

與欽陵

祿東贊之子

約和而還仁貴待封皆免死除名

欽陵

與弟贊婆悉多于勒論皆有才畧欽陵代父東政三弟將兵居外部國畏之

關中旱饑

閏月皇后以旱請避位不許

加贈武士驍為太原王夫人為妃

冬十月詔官名復舊

辛未二年冬十一月甲午朔日食

壬申三年春二月徙吐谷渾于靈州

吐谷渾畏吐蕃徙靈州

以鳴沙縣地置安樂州處之
鳴沙故城在今寧夏府中新

縣其故地皆入于吐蕃

夏四月吐蕃遣使入貢

吐蕃遣其大臣仲琮入貢上問以吐蕃風俗對曰吐

蕃地薄氣寒風俗樸魯然法令嚴整上下一心議事

常自下而起因人所利而行之斯所以能持久也

又上

詰以奪吐谷渾地及敗薛仁貴事仲琮頓首
曰臣受命來獻他非所聞上厚賜而遣之

秋八月許敬宗死

敬宗先致仕及是死

太常博士袁思古以敬宗嘗奏流其子于嶺南又以女嫁裴苻

多納其貨按諡法名與實更曰諡請以諡之敬宗孫彥伯訟請改諡博士王福時曰昔晉司空何曾以日食萬錢待諡為繆敬宗不逮于曾而飲食男女之累過之諡之曰繆然負許氏矣詔五品以上更議禮部尚書楊思敬曰過而能改曰蔡謫諡曰蔡敬宗以婢為繼室其子昂燕之敬宗奏斥昂又以女嫁馮盎子王福時通之子

冬十一月戊子朔日食

以邢文偉

全椒人

為右史

即起居舍人

王及善

邯鄲人

為左千牛

衛將軍

唐官掌宿衛侍從

太子罕接宮臣典膳丞邢文偉輒減所供膳上書諫

太子納之上聞之曰直士也擢為右史太子因宴集

命宮臣擲倒

唐敬宗有
擲倒伎

次至右奉裕率

唐東
宮官

王及善

及善曰擲倒自有伶官臣若奉令恐非所以羽翼殿

下也太子謝之上聞之賜及善縑百匹尋遷左千牛

衛將軍

癸酉

四年春三月詔劉仁軌修改國史

以許敬宗等所記多不實故也

秋七月婺州大水

甲戌上元元年春正月以劉仁軌為雞林帝以新羅國為雞林州道

大總管討新羅

新羅王法敏既納高麗叛衆又據百濟故地詔削法

敏官爵其弟仁問在京師立為王使歸國明年二月仁軌大破

新羅之衆于七重城新羅遣使謝罪上赦之復法敏官爵仁問改封臨海郡公

三月辛卯朔日食

以武承嗣后兄元為周國公

更子

秋八月帝稱天皇太后稱天后

九月追復長孫無忌官爵

以無忌曾孫翼襲爵趙公聽陪葬昭陵

大酺

太酺上御翔鸞閣

舍元殿東閣曰翔鸞西曰棲鳳

觀之分音樂為東

西朋使雍王賢主東朋周王顯主西朋角勝為樂郝

處俊諫曰二王春秋尚少志趣未定當推梨讓棗相

親如一令分二朋遞相誇競非所以崇禮義勸敦睦

也上瞿然曰卿遠識非衆人所及也遽止之

天后表便宜十二條詔行之

后以國家聖緒出元元皇帝請令王公以下皆習老子令明經舉人試策又請自今父在為母服齊衰三年又京官八品以上量加俸祿及他便宜合十二條詔書褒美皆行之

乙亥二年春三月天后祀先蠶

天后祀先蠶于邙山之陽百官及朝集使皆陪位

時上

昔風眩謫使天后攝政郝處俊諫曰天子理外后理內天之道也昔魏文帝著令雖有幼主不許皇后臨朝所以杜禍亂之萌陛下奈何以高祖太宗之天下不傳之子孫而委之天后乎中書侍郎李義琰曰處俊之言至忠陛下宜聽之上乃止天官多引文學之士元萬頃劉禕之等使之撰列女傳臣執百僚新成樂書几千餘卷時密令參決表奏以分宰相之權時人謂之北門學士李義琰魏州昌樂人劉禕之字翽美子翼之子

夏四月太子弘薨諡孝敬皇帝立雍王賢為太子

太子弘仁孝謙謹上甚愛之中外屬心天后方逞其志太子奏請數忤旨義陽宣城二公主蕭淑妃女也

幽于掖庭年踰三十太子見之驚惻奏請出降上許

之天后怒即日以公主配當上翊衛

權穀王鼎

太子尋薨

時人以為天后配之也詔追謚為孝敬皇帝

胡三省曰帝子

諡皇帝
始此

秋八月以戴至德劉仁軌為左右僕射張文瓘為侍中

郝處俊為中書令李敬元同三品

劉仁軌戴至德更日受牒訴仁軌常以美言許之至

德必據理難詰未嘗與奪實有冤結者密為奏辦由

是時譽皆歸仁軌或問其故至德曰威福者人主之

柄人臣安得盜取上聞深重之

有老姬欲詣仁軌陳
牒談詣至德至德覽

之未終姬曰本謂是解事僕射乃不解事僕射
射邪歸我縣至德笑而授之時人稱其長者文瓘時

兼大理卿囚聞改官皆慟哭文瓘性嚴正諸司奏議
多所糾駁上甚委之

丙子儀鳳元年秋八月始遣使詣桂廣交

綱目作文今
依通鑑改黔

等都督府注擬

敕廣桂等都督府比來注擬簡擇未精自今每四年

遣五品以上官充使仍令御史同往注擬時人謂之
南選

九月以狄仁傑

字懷英
太原人

為侍御史

將軍權善才中郎將范懷義誤斫昭陵栢當除名上
特命殺之大理丞狄仁傑奏罪不當死上曰我不殺
則為不孝仁傑固執不已上怒令出仁傑曰犯顏直
諫自古以為難臣以為過桀紂則難遇堯舜則易夫
法不至死而陛下特殺之是法不信于人何所

措其手足且張釋之有言設有盜長陵一抔土陛下
何以處之今以一栢殺二將軍後代謂陛下為何如
矣臣不敢奉詔者恐陷陛下于不道且羞見釋之于
地下也上怒解遂貸之仍擢仁傑為侍御史初仁傑為井州
法曹同僚鄭崇質當使絕域崇質母老且病仁傑曰彼
母如此豈可復使之有萬里之憂詣長史蘭仁基請
代之行仁基素與司馬李孝廉不協因相
謂曰吾輩豈可不自愧乎遂相與輯睦

冬十月祫享太廟

用太學博士史璨議禘後三年而祫祫後二年而禘

唐書禮樂志禮三年一禘五年一禘上元三年詔有司議禘祫年數史璩等議春秋魯禘五年而再祭蓋後禘去前禘五年而祫常在禘後三年時以其言有經據從之

安置郇王素節

帝之子蕭淑妃出

于袁州

隋置今爲府屬江西

素節警敏好學天后惡之以爲中州後周置今汝寧府信陽州是

刺史素節以久不得入覲著忠孝論后見之誣以賊

賄降封鄱陽王袁州安置

祀王上金後宮楊氏出也后惡楊氏徙金澧州安置

後武承嗣諷有司誣奏上金與素節謀反皆誅死澧州隋置今隸湖南

丁丑二年春二月以高藏爲朝鮮王扶餘隆爲帶方王

以高藏為朝鮮王遣歸遼東安輯高麗餘衆高麗先

在諸州者

總章二年徙高麗戶于江淮山南京西諸州

遣與俱歸扶餘隆

為帶方王亦遣歸安輯百濟餘衆仍移安東都護府

于新城以統之

藏至遼東謀叛召還徙中州而死高麗舊城没于新羅餘衆散入靺鞨陸

亦不敢還故地高氏扶餘氏遂亡中州註前見

夏四月河南北旱

遣御史中丞崔謐等分道賑給侍御史劉思立

寧陵人

上疏曰麥秀蠶老農事方殷聚集參迎妨廢不少既

賑恤固有司之事然救令未必皆賢保無有吏胥中飽民不富

賀忠者遣使分
道督察則人知
忌憚而弊可消
消若云余迎好
登黃州縣之下
卿即不致妨廢
乎

天子在而百官
四夷獨制其后
豈復知有天日
耶易比之上六

緣賬給須立簿書本欲安存更成煩擾伏望且委州
縣賑給疏奏謚等遂不行

詔廢顯慶新禮

詔以顯慶新禮多不師古其五禮并依周禮行事自
是禮官益無憑準每大禮臨時撰定

秋八月徙周王顯為英王

更名哲

戊寅三年春正月百官四夷朝天于光順門

以李敬元為洮河道大總管秋九月敬元與吐蕃戰敗績

曰此之元首孔
子以為无所容

高宗之謂矣

敬元伐時即有
青海之敗使非

黑齒常之乘夜

襲擊并無餘家

遷鄆州矣知人

之哲固難言之

高宗獨怪仁軌

素負時譽明知

敬元非將帥才

挾嫌推殺拘私

怨而不恤國事

稍明大義者當

先是詔以劉仁軌鎮洮河軍

胡三省註鄆州城內有洮河軍鄆州今

西寧府碾伯縣是

仁軌每有奏請多為李敬元所抑由是怨

之知敬元非將帥才薦之使守西邊敬元固辭上曰

仁軌須朕朕亦自往卿安得辭乃以敬元代仁軌大

發兵討吐蕃九月敬元將兵十八萬與吐蕃將論欽

陵戰於青海副總管劉審禮

德威子

深入敗沒敬元按

兵不救狼狽還走虜追擊之員外將軍黑齒常之

百濟

西鄆人夜帥死士襲擊虜營虜乃遁去敬元收餘衆還

鄆州上嘉帝之之功擢拜左武衛將軍

敬元之西征也監察御火

師德應猛士始從軍及敗勅師德以集散亡軍乃復振因命使于吐蕃吐蕃將論贊婆迎之師德宣導上意諭以禍福贊婆甚悅為之數年不犯邊上以吐蕃為憂太學生魏元忠上封書曰理國之要在文與武今言文者則以辭華為首而不及經綸言武者則以騎射為先而不知方畧故陸機著論辨亡無救河梁之敗養由基射穿七札不濟鄢陵之師此已然之明效也古語有之兵無強弱將有巧拙故選將當以智畧為本勇力為末今朝廷用人類取將門子弟及死事之家彼皆庸人豈足當閭外之任古之名將皆出貧賤而立殊功未聞其家代為將也夫賞罰者軍國之功務有功不賞有罪不誅雖免咎不能致理近曰蘇定方征遼東李勣破平壤賞絕不行大非川之敗仁貴郭待封等不即重誅臣恐吐蕃之平非旦

夕可冀也又出師之要全資馬力請開蓄馬之禁使百姓皆得蓄馬若官軍大舉增價市之則皆爲官有矣上善其言召見令直中書省仗內供奉師德字宗仁鄭州原武人魏元忠宋州宋城人

已卯 調露元年春正月辛東都司農卿韋弘機京兆萬年人免

弘機作上陽等宮制度壯麗侍御史狄仁傑劾奏弘機導上爲奢泰免其官左司郎中王本立恃恩用事朝廷畏之仁傑奏其姦上特原之仁傑曰陛下何惜罪人以虧王法必欲曲赦本立請棄臣于無人之境爲忠貞之誠本立竟得罪由是朝廷肅然

夏四月命太子賢監國

太子處事明審時人稱之

六月遣吏部侍郎裴行儉立波斯

西域國大月氏別種居達過水西距長安

萬五千里而羸

王行儉襲執西突厥阿史那都支以歸

初西突厥阿史那都支及其別帥李遮旬與吐蕃連

和侵逼安西朝議欲發兵討之吏部侍郎裴行儉曰

今波斯王卒其子質京師

先是波斯為大食所滅其王卑路斯入朝尋死其子

泥洹斯為質在京師

宜遣使送歸道過二虜以便宜取之可不

血刃而擒也上從之乃命行儉冊立波斯王行儉奏

肅州刺史王方翼

字仲翔廢王后從弟

為副過西州揚言須稍

涼西上都支覲知之遂不設備行儉召四鎮

安西四鎮已見

前

酋長謂曰昔在此州縱獵甚樂今欲尋舊賞誰能

從者諸胡子弟爭請行近得萬人行儉陽為畋獵校

勒部伍數日遂倍道西進去都支部落十餘里遣使

問其安否召與相見都支計無所出即子弟迎謁遂

擒之簡其精騎進掩遮匍遮匍亦降于是囚都支遮

商以歸遣波斯王自還其國留王方翼于安西使築

碎葉城

焉耆都督府所治城四面十二門為屈曲隱出伏沒之狀西域胡縱觀莫測方畧悉獻珍

寶

冬十月單于府突厥反遂寇定州

單于大都護府

注見前

突厥阿史德溫傅奉職二部俱

反立阿史那泥熟訶為可汗二十四州

皆塞州北

酋長皆

叛應之衆數十萬遣長火蕭嗣業等將兵討之嗣業

等先戰屢捷因不設備會大雪突厥夜襲其營嗣業

狼狽拔營走衆遂大亂為虜所敗突厥遂寇定州刺

史霍王元軌命開門偃旗虜疑有伏懼而遁

州人李嘉運與

虜通謀事泄上令元軌窮其黨與元軌曰強寇在境人心不安若多所逮繫是驅之使叛也乃獨殺嘉運餘無所問上大喜自是朝廷有大事上多辟收問之

庚辰

永隆元年春三月以裴行儉為定襄道大總管討突

厥平之

初上謂裴行儉曰卿大武兼資今授卿二職乃除禮部尚書右衛大將軍為定襄道行軍大總管將兵三

十餘萬以討突厥至是行險大破突厥于黑山

在今歸化

城故豐州北

檣奉職泥熟匐為其下所殺以首來降

先是行儉

行儉于當時固為諸將臣學然三百乘車各五北土當為一千五百人唐以為難取驅去常必紛紛散行前後不齊且此驅行之際唐豈不覺必待取糧而後十五百人者齊自車中服出等

至朔州謂其下曰撫士貴誠致敵尚詐乃為糧車三百乘每車伏壯士五人各持陌刀勁弩以羸兵為之援且伏精兵于險要以待之虜果至羸兵棄車散走虜驅車就水草解鞍牧馬欲取糧壯士自軍中躍出擊之虜驚走復為伏兵所邀殺獲殆盡自是還糧行者虜莫敢近軍至單于府北抵暮下營掘塹已周行餘遽命移就高崗諸將皆言士卒已安不可動行儉不從趣使移是夜風雨暴至前所營地水深丈餘諸將驚服問其故行儉笑曰自今但從我命不必問其所由知也後二年突厥阿史那伏念自立為可汗與阿史德溫傳連兵為寇詔復以行儉為總管討之行儉多獻反間伏念岸沒相猜貳行儉遣裨將程務挺

擊是誰為之期
會記載者欲奇
其說而不自覺
其心無是理致
人疑笑矣之下
營當避漢登水
源必至之處行
國亦然有何奇
特而致諸將之
驚服行儉且自
以為神蓋足鄙
耳

掩襲伏念伏念窮迫執溫傳以降餘黨
悉平 陌刀大刀也程務挺名振之子

秋七月吐蕃寇河源

隋故郡在今青海南
即吐谷渾赤水城也

先是吐蕃贊普死子器弩悉弄立

年始八歲上命裴
行儉乘間圖之行

儉曰欽陵為政大臣
輯睦未可圖也乃止

至是入寇河源將軍黑齒常之

擊卻之常之以河源衝要欲加兵戍之而轉輸險遠

乃廣置烽戍七十餘所開屯田五千餘頃歲收五百

餘萬石由是戰守有備焉先是劍南募兵于茂州

唐置

今州隸
四川

築安戍城

在茂州西

以斷吐蕃之路吐蕃攻陷其

城以兵據之由是西洱

注見前

諸蠻皆降于吐蕃吐蕃

之地東接涼松茂嵩等州南鄰天竺西陷龜茲疏勒等四鎮北抵突厥地方萬餘里諸胡之盛莫與為比八月廢太子賢為庶人立英王哲為皇太子

太子賢聞宮中竊議以賢為天后姊韓國夫人所生內自疑懼方士明崇儼

儼師人

以厭勝之術為天后所

信官至正諫大夫嘗密稱太子不堪承繼英王貌類太宗會崇儼為人所殺天后遂疑太子所為太子頗

好聲色與戶奴狎昵天后使人告其事勸之于馬坊
得皂甲數百領以為反具上素愛太子欲宥之天后
不可遂廢為庶人黨與皆伏誅

冬十一月壬申朔日食

辛巳開耀元年春正月宴百官及命婦于麟德殿

以立太子宴百官及命婦于宣政殿引九部伎及散

樂自宣政門入太常博士袁利貞昂之曾孫上疏以為正寢

非命婦宴會之地路門非倡優進御之所請命婦

會于別殿九部伎自東西門入而停散樂上乃更命

置宴于麟德殿賜利貞帛百匹

利貞族孫頤為蘇州刺史自以其先宋太

尉淑以來盡忠帝室琅邪王氏雖奕世台鼎而為歷代佐命駐輿為比喆曰所貴于名家者為世篤忠貞才行相繼故也從黨婚姻求諛利者人為足貴乎

三月以劉仁軌為太子少傅

少府監裴匪舒為上造鏡殿上與仁軌觀之仁軌驚

趨下殿上問其故對曰天無二日土無二主適視四

壁有數天子不祥孰甚焉上遽命剔去

匪舒善營利奏負苑中馬

真歲得錢二萬緡上以問仁軌對曰利則厚矣竊恐後代稱唐家賣馬賣非嘉名也乃止

秋七月太平公主

武后女

適薛紹

汾陰人

紹母太宗女城陽公主也紹兄顯以公主寵盛深憂之以問族祖戶部郎中克構克構曰帝甥尚主國家故事苟以恭慎行之何傷然諺曰娶婦得公主無事取官府亦不得不懼也

徵處士田遊巖

京兆三原人

為太子洗馬

遊巖隱居泰山上東封嘗幸其廬徵為洗馬無所規

四皓羽翼太子其事已為古今營謀若田遊巖之純道處賢時

儼之拘繫俗論
尤溺齊梁以來
故識真乃泥而
愈下

益右衛副率蔣儼

義興人綱目作薛儼今依唐書改

以書責之曰足

下負巢由之峻節傲唐虞之聖主屈萬乘之重申三

顧之榮將以輔道儲貳漸染芝蘭耳皇太子春秋尚

盛聖道未明足下乃唯唯而無一談悠悠以卒年歲

何以塞聖主調護之寄乎遊巖不能容

冬十月丙寅朔日食

徙故太子賢於巴州

注見前

壬午永淳元年春二月立孫重照為皇太孫

上欲令開府置僚屬問吏部郎中王方慶

名繼以字行本丹陽

人後徙咸陽

對曰未聞太子在東宮而更立太孫者也上

曰自我作古可乎對曰三王不相襲禮何為不可乃奏置師傅等官既而上疑其非法竟不補授

夏四月甲子朔日食

關中饑上幸東都

上以關中飢饉米斗三百將幸東都留太子監國使

劉仁軌裴炎

字子隆聞喜人

薛元超

收之子

輔之

時出幸倉猝危從之士有

餓死者上慮道路多革竊命監察御史魏元忠檢校元忠聞亦賸獄得盜一人神來語言俱于衆命釋桎梏饗冠帶乘驛以從與共食宿託以詰盜及東都士馬萬數不亡一錢亦縣唐京師所理長安萬年二縣是也

聞喜公裴行儉卒

諡曰忠

行儉有知人之鑒初王勃與楊炯

華陰人

盧照鄰

字昇之范

陽駱賓王

義烏人

皆以文章有盛名李敬元尤重之行

儉曰士之致遠者當先器識而後才藝勃等雖有大華而浮躁淺露豈享爵祿之器邪楊子稍沉靜應至

令長餘得令終幸矣既而勃渡海墮水烟終于盈川

唐置故城在今浙江衢州府西安縣令照鄰惡疾赴水死賓王反誅皆

如行儉言

行儉為將帥所引偏裨後多為名將破阿史那都支得馬騰盤廣二尺餘以示將士

軍士非以升階跌而碎之懼恐叩頭流血行儉笑曰爾非故為何至于是不復有追惜之色

以郭待舉

潁川人

岑長倩

大和本

郭正一

定州人

魏元同

字和

初城人並中書門下同承受進止章平事

唐書百官志平章事入銜自侍

始舉等

上欲用待舉等謂中書令崔知溫

字體仁許州鄆陵人

曰待舉

等資任尚淺且令預聞政事未可與卿等同名自是

外司四品以下知政事者始以平章事為名

先是元同為吏

部侍郎上言曰人君之體當委任而責成功所委者常則所用者自精周穆王命伯冏為大僕正曰慎簡

乃除是使掌司各自求其小者而天子命其大者也

漢氏得人皆自州縣補署五府辟召然後升于天朝

魏晉以來始專委選部夫以天下之大士人之衆而

委之數人之手用刀筆以量才崇簿書而察行倡使

平如權衡明如水鏡猶力自所極照有所窮況所委

非人而有憑闇阿私之弊乎願畧依周漢之規以救

晉魏之失

疏奏不納

五月洛水溫關中旱蝗

東都霖雨沿水溢溺民居千餘家關中先水後旱蝗
繼以疾疫米斗四百兩京間死者相枕于路人相食
秋七月作奉天宮

上既封泰山欲遍封五嶽作奉天宮于嵩山之南監
察御史裏行李善感諫曰陛下封泰山告太平致羣
瑞與三皇五帝比隆矣數年不稔餓殍相望四夷交
侵兵車歲駕陛下宜恭默思道以禳災譴更廣行宮
室勞役不休天下莫不失望上不納自褚遂良韓瑗

之死中外以言為諱幾二十年及善感始諫天下皆

嘉謂之鳳鳴朝陽

上遣宦者沿江徙異竹所在縱暴
荆州長史蘇良嗣因之上疏切諫

以為致遠方異物煩擾道路恐非聖人愛人之意
上手詔慰諭令棄竹江中

蘇良嗣世長之子

零陵王明自殺

初曹王明以太子賢黨降封零陵王黔州安置至是

都督謝祐希天后意逼使自殺上深惜之黔府官屬

皆坐免官

祐後廢于平閣夜失其首及明子後為天
后所殺有司藉其家得祐首漆為鐵器題

云謝祐乃知明子
使刺客服之也

突厥骨篤祿寇并州薛仁貴大破之

突厥餘黨阿史那骨篤祿阿史德元珍等招集亡散

據黑沙城反寇并州代州都督薛仁貴將兵擊之虜

問唐大將為誰應之曰薛仁貴虜曰吾聞仁貴流象

州

注見前

死久矣何紹我也仁貴免胄示之面虜相顧

失色下馬列拜稍稍引去仁貴因奮擊大破之

明年五月

骨篤祿寇并州殺刺史豐州都督崔智辨將兵襲之
為虜所擒朝廷欲廢豐州司馬唐休璟上言豐州阻
河為國居賊衝要今若廢之則濱河之地恐為賊有
非國家之利也乃止
并州注見前豐州隋置故城

在今鄂爾多斯右翼店休環
名璿以字行京兆始平人

以婁師德為河源軍經畧副使

吐蕃寇河源師德將兵擊之于白水澗在西寧府西北八戰

八捷上以師德為比部刑部尚書屬員外郎左驍騎郎將

充使曰卿有大武材勿辭也

癸卯元年夏四月綏州部落稽注見前作亂討平之

部落稽白鐵余余姓之鐵工因以為號埋銅佛于地中久之草

生其上紹鄉人曰吾于此數見佛光集眾掘地果得

之因曰得見聖佛者百疾皆愈遠近赴之數年歸信

者衆遂謀作亂據城平縣

本西魏城中縣隋更名米廢改城在今綏德川清澗

縣稱皇帝置百官遣右武衛將軍程務挺與王方翼討之擒白鐵余餘黨悉平

秋七月詔以來年有事于嵩山冬十一月詔罷之

詔封嵩山已而上疾甚故罷

上苦頭重不能視召侍醫秦鳴鶴診之請刺頭

出血可愈天后不欲上疾愈怒曰此可斬也乃欲于天子頭刺血上曰但刺之未必不佳乃刺二穴上曰

吾目似明矣后舉手加額曰天賜也自負練百匹以賜鳴鶴

詔太子監國以裴炎劉景先

祥通子本名齊賢後更名

郭正一兼東

宮平章事

十二月帝崩太子即位

是為中宗

尊天后為皇太后

上疾甚夜召裴炎入受遺詔遂崩遺詔太子柩前即位軍國大事有不決者兼取天后進止越六日太子即位尊天后為皇太后政事咸取決焉

以劉仁軌為左僕射裴炎為中書令劉景先為侍中

故事宰相于門下省議事謂之政事堂及裴炎遷中

書令始遷政事堂于中書省

中宗皇帝

甲中嗣聖元年

二月廢唐大明元年
九月太后光宅元年

春正月立妃韋氏為

皇后

二月太后廢帝為廬陵王立豫王旦

弘道元年以相
王徙封更名

帝欲以后父韋元貞

京兆萬
年人

為侍中裴炎固爭帝怒

曰我以天下與韋元貞何不可而惜侍中邪炎懼白

太后密謀廢立太后集百官于乾元殿勅兵宣令廢

武氏復竊神器
已非一朝廢立

之謀固不悞中
宗失言而後定
然中宗嗣位日
淺他務未遑亟
亟欲官后父且
輕視以天下與
人為怒時泄憤
語其父子皆聞
如出一轍而受
制房帷之病亦
見端于此矣

帝為廬陵王帝曰我何罪太后曰汝欲以天下與韋

元貞何得無罪乃幽于別所立豫王旦為皇帝

即睿宗

妃劉氏為皇后永平王成器

豫王子

為太子廢太孫重

照為庶人改元大明旦居別殿不得有所豫政事皆

決于太后

有飛騎十餘人飲于坊曲一人言羅知別無勲賞不若奉廬陵一人起告之座未散

皆捕繫羽林微言者斬餘皆殺告者除五品官告密之端自此興

太后以劉仁軌為西京留守

仁軌上疏辭以衰老不堪居守因陳吕后禍敗之事

以申規戒太后璽書慰諭之

太后始御紫宸殿

洛陽宮內朝之殿

太后御武成殿

在洛陽宮內東北

皇帝

豫王也

帥王公以下上

尊號自是太后常御紫宸殿施黻紫

紫色之淺者

帳以視

朝

三月太后殺故太子賢

初太后命將軍邱神勣

和之孫

詣巴州檢校故太子賢

宅以備外虞風使殺之至是神勣逼賢自殺太后乃

歸罪神勳貶之而追封賢為雍王尋復以神勳為金

吾將軍

夏四月太后遷帝于房州

即房陵注見前

又遷于均州

注亦見前

七月溫州

唐置今為府屬浙江

大水

流四千餘家

括州亦大水流二千餘家

八月葬乾陵

在乾州西北

賀善贊曰高宗濟亂人倫委政房閭幾貽宗社之禍可勝罪哉

太后以尚書左丞馮元常

安陽人子孫曾孫

為隴州

西魏置今屬鳳翔府

刺史

初元帝為高宗所委常密言中宮威權太后宜稍抑損高宗深然其言而不能用及太后稱制四方爭言符瑞嵩陽獻瑞石元常奏言狀涉諂詐不可誣罔天下太后不悅出之

九月太后改元及服色官名

太后改元光宅旗幟皆從金色八品服碧

高宗上元初敕文武

官三品以上服紫四品深緋五品淺緋六品深綠七品淺綠八品深青九品淺青

東都為神

都尚書省為文昌臺僕射為左右相六曹為天地四
時六官門下省為鸞臺中書省為鳳閣侍中為納言
中書令為內史御史臺分為左右肅政臺其餘悉以
義改類之

太后立武氏五廟

通鑑綱目俱作七廟考唐書武后傳
光宅元年追尊武氏五代祖為公高

曾祖考皆為王遣使者告五世廟室畏炎傳武永嗣請
立武氏七廟炎諫太后不悅而罷又武后紀天授元年
九月改國號周立武氏七廟蓋光宅初未欲立七廟以
畏炎諫止立五廟及天授改國乃于五廟之外又立周
大王及平王少子武二廟共為七廟也綱目因仍通鑑
原文未及詳考本史故于是年綱書七廟而目則止及

五世天授改國曰中則詳祀所立之
七廟前歲似未明斷今依唐書改正

太后以武承嗣同三品承嗣請追王其祖立武氏七
廟裴炎諫曰太后母臨天下當示至公不可私于所
親獨不見呂氏之敗乎太后曰呂氏以權委生者故
敗今吾追尊亡者何傷乎對曰事當防微杜漸不可
長耳太后不悅尊五代祖為公妣為夫人高曾祖考
為王妣皆為妃

英公李敬業起兵揚州太后遣將軍李孝逸

淮安王
神通子

擊之

時諸武用事唐宗室人人自危衆心憤惋會柳州

司馬英公李敬業

本眉州刺史坐事貶

及弟敬猷

藍屋令免官

唐之

奇

給事中貶攝事令

駱賓王

海陵

杜求仁

正倫之姪以唐事司直貶點令魏

恩溫

御史被黜

皆失職怨望乃謀起兵遂矯詔殺楊州長

史開府庫赦囚徒旬日間得勝兵十餘萬復稱嗣聖

元年敬業自稱匡復上將復求得貌類漢王賢者置

之軍中云賢不死逃至此令其舉兵移檄州縣

畧曰滿貼

朝武氏者人非溫順地實寒微昔充太宗下陳嘗以史
衣入侍洎乎晚節穢亂春宮密隱先帝之私陰圖復

燒之發踐元后于輦覆陷吾君于聚應親姊屠兄猷
君憫母人神之所同嫉天地之所不容也藏禍心竊
窺神器君之愛子幽之于別宮賊之宗盟
委之以重任一抔之土未乾六尺之孤何在 太后見

檄問誰所為或對曰駱賓王太后曰宰相之過也人有
如此才而使之流落不偶乎遣左玉鈐衛大將軍李
孝逸將兵三十萬以討敬業追削其祖考官爵發冢
斷棺復姓徐氏

太后殺侍中裴炎以騫味道
騫氏閔子騫之後以字為氏味道蘭州金城人

內史李景諶同平章事

武承嗣與從父第三思

元慶之子

以韓王元慶魯王靈夔

二王皆高祖子

屬尊位重屢勸太后因事誅之太后謀于執

政裴炎固爭及李敬業舉兵太后問計于炎對曰皇

帝年長不親政事故豎子得以為辭若太后反政則

不討自平矣承嗣因使監察御史崔咎

舊人

言炎有

異圖太后命左肅政大夫竊味道鞠之鳳閣舍人李

景謏證炎必反劉景先胡元範

中州義陽人為鳳閣侍郎

明其必不

反遂并下獄以竊味道檢校內史李景謏平章事斬

裴夷于都亭籍沒其家無瓶石之儲景先等流貶有

差

夷弟子太僕寺丞仙先年十七上封事求見曰陛下為李氏婦先帝棄天下遽擁朝政變易嗣子疎

斥李氏封崇昭武伯父忠子社稷反經以罪戮及子孫陛下所為如是臣實惜之陛下早宜復子明辟高

枕深居則宗族可全不然天下一變不可復救矣太后怒命于朝堂杖而流之

李敬業取潤州

唐置今江南鎮江府是

李孝逸擊殺之

初魏思溫說李敬業直指洛陽薛仲璋以不如先取

常潤為定霸之基思溫曰山東豪傑以武氏專制憤

惋不平聞公舉事皆蒸麥為糧伸鋤為兵以俟南軍

之至不乘此勢以立大功乃更自謀巢穴遠近聞之

其誰不解體敬業不從將兵渡江陷潤州

思溫謂杜求仁曰兵

勢合則強分別弱敬業不并力渡淮收山東之衆以取洛陽故在眼中矣

敬業聞李孝逸將

至回軍拒之屯下阿溪

在揚州府高郵州西北

使敬猷逼淮陰

孝逸軍至臨淮戰不利監軍御史魏元忠曰天下安

危在茲一舉今大軍久留不進萬一朝廷更命他將

以代將軍將軍何辭以逃逗撓之罪乎孝逸乃引軍

而前元忠請先擊敬猷孝逸從之敬猷走敬業勒兵

阻溪拒守元忠復言于孝逸因風縱火敬業大敗將走入海其將王那相斬敬業等首以降餘黨皆捕得傳首神都

胡氏實曰元忠智謀誠為可用然其言曰天下安危在此一舉夫敬業敗則武氏愈安何繫于唐室乎
太后殺單于道安撫大使程務挺

初裴炎下獄務挺密表申理至是或譖務挺與炎及敬業通謀太后遣使即軍中斬之突厥宴飲相慶太后以王方翼與務挺相善流崖州而死

先是方翼為安西都護擊

破那史那車簿及三姓咽楚等西突厥遂平以廢后
近屬竟不錄功至是遂流死三姓咽楚鐵勒別部

乙酉二年太后垂拱元年春正月帝在均州劉友益曰每歲首必書帝所在存正統也

三月太后遷帝于房州

太后頒垂拱格

夏五月太后制百官及百姓皆得自舉

秋七月太后以僧懷義為白馬寺主

懷義得幸于太后太后以為白馬寺主

懷義鄂人本姓馮名小寶

賣藥洛陽市因千金公主以進遂得幸于太后欲令出入禁中因度為僧又以其家寒微令與駙馬都尉

薛紹合族紹懷義乘御馬朝貴皆高廟禮謁武承嗣
以奉父事之

三思皆執僮僕之禮懷義皆聚無賴少年度為僧縱
橫犯法人莫敢言御史馮思勗屢以法繩之懷義遇
諸塗令從者殿之幾死太后託言懷義有巧思使入
宮營造補闕王求禮
許州長社人表請闔之庶不亂宮闈
表寢不出

丙戌三年
太后垂拱二年春正月帝在房州

太后歸政于豫王旦尋復稱制

太后下詔歸政豫王

綱曰于武后稱制後中宗睿宗自稱諡以別今以目從綱中宗

仍稱帝睿宗知太后非誠心奉表固辭太后復臨朝稱

制

二月辛未朔日食

三月太后置銅匱受密奏

太后自徐敬業之反疑天下人多圖已又自以久專

國事內行不正知宗室大臣怨望不服欲大誅殺以

威之乃盛開告密

有告密者給馬供食使詣行在所農夫樵人皆得召見或不次除官

無寶者不問于是四方告密者蜂起有魚保家者請鑄銅為匭以受天

下密奏其器一室四壁上各有竅可入不可出太后

善之未幾其怨家投匭告保家嘗為徐敬業作兵器

遂伏誅胡人索元禮因告密召見擢為遊擊將軍令

按制獄元禮性殘忍推一人必令引數千百人于是

周興

長安人

來俊臣

萬年人

之徒效之興累遷至秋官侍郎

即俊臣至御史中丞皆養無賴數百人意所欲陷則使

數處俱告之辭狀俱同既下獄則以威刑脅之無

了昂文士陳奏
亦有明快處然
當武先臨朝而
以興立明堂太
學乃誦讀非迂
繆直善儒厚耳

不誣服又造告密羅織經數千言網羅無故織成反
狀構造布置皆有支節其訊囚酷法有定百脉哭地
吼死猪愁求破家反是實等號中外畏之甚于虎狼
麟臺正字陳子昂上疏曰執事者疾徐敬崇苟亂唱
禍將思姦源遂使陛下大開詔獄重設嚴刑有迹涉
嫌疑辭相遠引莫不窮捕考掠至有姦人變惑乘隙
相誣糾告疑似冀圖爵賞及其窮竟百無一實陛下
仁恕又屈法容之遂使姦惡之黨快意相讐天下喁
喁莫知寧所臣聞隋之末代天下枕平楊元感作亂
不踰月而敗天下之弊未至土崩煬帝不恤專行屠
戮大窮黨與遂至殺人如麻流血成澤天下靡然始
思為亂前事之不忘後事之師也伏惟陛下念之太
后不聽子昂又嘗上疏曰宰相陛下之腹心刺史縣

令陛下之手足未有無戲心手足而能獨理者皆不可以不擇也又曰天下有危機禍福因之而生百姓是也百姓安則樂其生不安則輕其死輕其死則天下亂矣陳子昂字伯玉梓州射洪人

夏六月太后以岑長倩為內史蘇良嗣韋待價

旌之

為

左右相韋思謙為納言

良嗣為相遇懷義于朝堂懷義偃蹇不為禮良嗣大怒命左右批其頰懷義訴于太后太后曰阿師當于北門出入南牙宰相所往來勿犯也

秋九月有山出于新豐

雍州言新豐縣東南有山踊出太后改新豐為慶山
縣江陵人俞大俊上書言天氣不和而寒暑併人氣
不和而疣贅生地氣不和而蝗阜出今陛下以女主
處陽位反易剛柔故地氣塞隔而山變為災陛下謂
之慶山臣以為非慶也伏惟側身修德以答天譴不
然禍令至矣太后怒流之嶺外

丁亥四年太后垂拱三年春正月帝在房州

夏四月太后殺同三品劉禕之

禕之竊謂鳳閣舍人賈大隱

涪州永年人

曰太后廢昏立

明安用臨朝稱制不如反政以安天下之心大隱密

奏之太后不悅或誣禕之受金太后命王本立推之

本立宣勅示之禕之曰不經鳳閣鸞臺何名為敕太

后怒賜死

禕之初下獄豫王爲之上疏申理親友皆賀之禕之曰此乃所以速吾死也臨刑沫

浴神色自若草謝表立成數紙

秋七月突厥寇朔州太后遣黑齒常之擊之

突厥骨篤祿寇朔州太后遣黑齒常之李多祚擊之

突厥走散磧北

多非世為縣尉酋長以軍功賜姓得入宿衛常之每得賞賜皆分將士有

善馬為軍士所損官屬請皆之常之曰奈何以私馬答官兵乎卒不問

九月虢州人楊初成矯詔募人迎帝于房州太后殺之

冬十月太后流李孝逸于儋州

唐置今屬廣東瓊州府

孝逸自克徐牧業聲望甚重武承嗣亭惡而譖之出

為施州

後周置今湖北施南府是

刺史至是承嗣誣孝逸自言當

有天分太后以孝逸有功滅死除名流儋州卒

太后罷御史監軍

將府間寄勝敗
功罪繁之豈可

今人從掌事時
武氏罷御史監
軍不當以人廢
言乃聞元反正
于則天政事多
所變更并監軍
亦復舊制其後
浸至委任昭瑞
匪惟矯枉過正
且變本加厲矣
胡寅以智術予
武氏而不推究
宦豎典兵流弊
尚論未為扼要

太后欲遣韋待價擊吐蕃韋方質奏請遣御史監軍
太后曰古者明君遣將闔外之事悉以委之比聞御
史監軍軍法事皆承稟以下制上非令典也且何以
責其有功遂罷之

大饑

戊子

五年

太后垂拱四年

春正月帝在房州

太后立崇先廟

太后立崇先廟以享武氏祖考命有司議室數博

士周悰請為七室減唐太廟為五室春官侍郎賈大隱奏禮天子七廟諸侯五廟百王不易崇先廟室應如諸侯之數國家宗廟不應輒有變移太后乃止

二月太后毀乾元殿作明堂

初太宗高宗之世屢欲立明堂諸儒議其制度不決而止至是太后獨與北門學士議其制諸儒以為明堂當在國陽丙巳之南三里之外七里之內太后以為遠毀乾元殿以其地為之以僧懷義為之使凡役

數萬人

夏四月太后殺太子舍人郝象賢

象賢處俊之孫也初太后有憾于處俊會奴誣告象賢反遂族誅之象賢臨刑極口罵太后發揚宮中隱慝自是法官刑人先以木丸塞其口

五月太后加號聖母神皇

武承嗣使人作瑞石文曰聖母臨人永昌帝業使人獻之曰獲之洛水太后喜命曰寶圖詔當拜洛受圖

以洛水為永昌水

告謝于郊御明堂朝群臣命諸州都督刺

史宗戚並會神都先加尊號

六月丁亥朔日食

河南巡撫大使狄仁傑奏焚淫祠

仁傑以吳楚多淫祠奏焚其一千七百餘所獨留夏

禹吳太伯季扎伍員四祠

秋八月琅邪王冲

越王貞子

越王貞

太宗子

舉兵匡復不克而死

太后遂大殺唐宗室

太后潛謀革命稍除宗室韓王元嘉等內不自安密有匡復之志及后將受圖召宗室朝明堂諸王遞相

驚曰神皇欲因此盡收宗室誅之于是元嘉子黃公

譔詐為皇帝中宗璽書分告諸王令各起兵琅邪王

冲募兵得五千人擊武水

隋縣五代周廢故城在今東昌府聊城縣

不克

還走博州

隋置今東昌府是

為門者所殺越王貞聞冲起亦

舉兵豫州

注見前

未幾戰潰自殺初諸王往來相結約

未定而冲先廢惟貞狼狽應之諸王皆不敢發故敗
太后削貞父子屬籍更姓虺氏并欲悉誅韓魯諸王
命監察御史蘇珣藍田人按之無驗太后召詰之珣抗
論不回太后曰卿大雅之士朕當別有任使此獄不
必卿也使周興等按之乃收韓王元嘉魯王靈夔黃

公譔等于東都逼使自殺親黨皆誅

常樂大長公主高祖女也下嫁

趙琅琅時為壽州刺史貞將起兵遣使告之公主謂
使者曰李氏危若朝露諸王先帝之子不捨王取義
欲何煩邪大夫當為忠義見
無為使死也及貞敗亦坐死
霍王元軌江都王緒

元軌東莞公融號王鳳子皆坐與二王通謀為太后

所殺紀王慎

太子

獨不與謀亦坐徙巴州道卒

慎女

驕奢相高請媛之儉素楚媛曰自古女子皆以恭儉為美縱侈為惡富貴儉來之物何足驕人衆皆慙服及開慎卒號慟血不御膏沐垂二十年越王貞之敗也太后以狄仁傑為豫州刺史時貞黨坐者六七百家當籍沒者五千口仁傑密奏彼皆誑誤而臣欲顯奏似為逆人申理不言又奉陛下仁恤之旨太后將原之皆流豐州仁傑先為寧州刺史有德政及是流者道過寧州父老迎勞曰我狄使君活汝邪相携笑于德政碑下三日而復行

太后拜浴受圖

太后拜洛受圖豫王及太子皆從內外百官蠻夷酋
長各依方叙立文物鹵簿之盛唐興以來未之有也
明堂成作天堂

熙寧臨朝以來
所為燕雅逆理
豈僅一明堂之
奢侈哉古哉是
時中宗已徙居
川宗室多遭誅

明堂高二百九十四尺方三百尺凡層三下層法四
時各隨方色中層法十二辰上為圓蓋九龍捧之上
層法二十四氣亦為圓蓋上施鐵鳳高一丈飾以黃
金號曰萬象神宮又于明堂北起天堂五級以貯大
像

懷義所作夾
飾大像也

至三級則俯視明堂矣以懷義為威

幾辱之將為偽
川跡久昭著即
備采採之
制亦何闕于家
社安危求禮極
拾浮詞冀以文
其敢諫庸陋更
出寒蟬下矣

衛大將軍梁國公侍御史王求禮上書曰古之明堂
茅茨不剪采椽不斷今者飾以珠玉圖以丹青瓊臺
瑤室無以加也不報

巳丑
六年

太后永昌元年

春正月帝在房州

太后大饗萬象神宮

太后服袞冕擗大珪執鎮珪為初獻豫王為亞獻太
子為終獻周國先王

武氏祖父

亦與饗焉禮畢御門大赦

布政于明堂頒九條以訓百官

又尊周忠孝王為太
皇妣為太后墓曰景

陵順

夏四月太后殺汝南王煒

蔣王煒子太宗孫

鄱陽公諲

道王元慶子高

祖孫

等十三人及天官侍郎鄧元挺

藍曰人

諲謀迎帝

中宗

于房陵以問元挺煒又嘗謂元挺曰欲

為急計何如元挺皆不應坐知反不告同誅

是冬太

鄭王璘等六人滕王修珣等六人免死流嶺南

耿元懿子修珣元嬰子皆高祖孫嗣王

五月太后以僧懷義為新平軍

注見前

大總管討突厥

懷義行至紫河

在今歸化城南

不見虜刻石紀功而還

明年復命

懷善北

討尋罷

秋七月太后殺內史張光輔

京兆人

徐敬業之敗也弟敬真流繡州

唐置治常林故城在今廣西潯州府桂平

縣將奔突厥為吏所獲敬真多引海內知識冀以免

死誣內史張光輔私論圖讖陰懷兩端遂被誅

初越王貞

等起兵太后遣兵擊之命光輔節度光輔久留豫州

多殺無辜狄仁傑謂曰亂河南者一越王貞今官軍

暴掠殺人丹野是一貞死萬貞生恨不得尚方斬馬

劍加明公頸雖死如歸耳光輔奏之仁傑坐敗至是

敬真誣光輔在豫秋官尚書張楚金

祁人道源族孫

陝州刺

史郭正一鳳閣侍郎元萬頃洛陽令魏元忠皆當死
臨刑太后使馳騎赦之當刑者皆喜躍譁呼元忠獨
安坐自如既宣敕乃徐起拜竟無憂喜之色遂流嶺

南是日陰雲四塞既釋楚金等天氣晴霽

初太后問
懷子昂為

政之要子昂上疏以為宜緩刑崇德息兵華省賦役
撫慰宗室各使自安辭婉意切具論甚美及楚金等
免死又上疏曰北者勅免楚金等死是日初有風雨
變為景雲臣聞陰慘者刑也陽舒者德也聖人法天
天亦助聖今又陰雨臣恐過在獄官惟陛下
嚴懲酷吏使天下咸服豈非至德克明哉

閏月太后殺同平章事魏元同

魏元同素與裴炎善時人以其終始不渝謂之耐久
明周興素惡元同誣之曰元同言后老矣不若奉嗣
君為耐久太后怒賜死于家或教之告密冀得召見
自陳元同歎曰人殺鬼殺等耳豈能作告密人邪乃
就死自餘內外大臣坐死及流貶甚衆

彭州長史劉
易從為徐敬

真所引就州誅之易從為人仁孝忠謹將刑于市吏
民憐其無辜遂近奔走競解衣授地曰為長吏求冥
福有司平準直十餘萬與等又誣武衛大
將軍黑齒常之謀反徵下獄常之臨死

冬十一月太后享萬象神宮始用周正

改十一月為正月十二月為臘月夏正月為一月

太后自名瑩

即照字

改詔曰制

鳳閣侍郎宗秦客

蒲州人太子從父姊之子

改造十二字

照為瑩天為丙

北為望日為因月為因星為臣為惡人為歲載為歲年為車正為西以獻至是行之

除唐宗室屬籍

從周興之請也

御批歷代通鑑輯覽卷五十二